



Dikeletšo tša go bala le ngwana wa gago

Bontsi bja rena re hloka thušo ge re thoma go bala le bana ba rena la mathomo. Tše di latelago ke dikeletšo tša go thuša go kgotsofatša bohole bao ba amegago. Leka keletšo e tee ka nako. Lebelela gore ke keletšo efe yeo e šomelago wena le bana ba gago kaone.

Ipshine

Selo se bohlokwa kudu ke gore o iketle gomme o ipshine ka baka la gore ka tsela yeo bana ba tla ithuta gore go bala go bose gape go a kgahliša.

Šielanang go kgetha dipuku

Ka nako tše dingwe dira gore bana ba gago ba kgethe gore ke dipuku dife tše ba nyakago go di bala. Ka nako tše dingwe, bolelang mmogo ka ga dipuku tše di ka kgwethago le go šišinya tše o naganago gore di lebane dikgahlego tša bona.

Dira ka nako ye e swanetšego

Hwetša nako yeo bana ba gago ba tlago e humana e le bonolo go iketla. Yona e ka ba ka morago ga go hlapa goba pele ba robala ka nako ya go potuma le/goba bošego.

O se ke wa dira go fetiša tekanyo

Bala mmogo ka diripana. Bana ba bannyane ba humana go le boima go hlokemediša sebaka se se telele. Ge e le gore bana ba gago ga ba dudišege goba ba lahlegelwa ke kgahlego, emiša go bala gomme o leke gape moragonyana goba letšatši le le latelago.

O se tshelle khabara

Bala thaetlele ya puku le leina la mongwadi gammogo le moswantshi nako ye nngwe le ye nngwe ge o balela bana ba gago puku. Se se thuša go lemoga gore batho ba sebele ba hlama dikanegelo. Ba kgopele go ba matseka ka pukung ye mpsha gomme o šomiše ditemošo

tše di lego ka letlakaleng la ka pele gomme o akanye gore puku e bolela ka eng.

Botšiša dipotšišo

Ge o ntše o bala kanegelo, botšiša bana ba gago dipotšišo ka yona. 'Naa o nagana gore se se latelago go tla diragala eng?' ke potšišo ye kgolo ya go hlabolla bokgoni bja ngwana bja go akanya, e lego mabokgoni a bohlokwa a bokgoni bja go bala le go ngwala.

E bale gape... le gape!

Ge bana ba gago ba go kgopela go bala kanegelo ye e swanago gape, dira bjalo! Ba utolla dilo tše mpsha mabapi le kanegelo nako ye nngwe le ye nngwe ge o e bala.

Ba dumelele go tše sea bo

Ge bana ba gago ba thoma go tlwaela kanegelo goba ge bana ba bagolo ba ithuta go bala, ba kgopele go go thuša go bala kanegelo. Bana ba bannyane gantši ba rata go reta dikarolo tša kanegelo ye ba e tlwaetšego – kudukudu ge e le gore morumokwano wa mantšu goba sekafoko di a boeletšwa. Bala moogo le bana ba bagolo ge ba le gare ba leka go bala mantšu letlakaleng le wena, šupa mantšu o le gare o tšwela pele.

Tšwela pele go dira bjalo

Go bala mmogo le gona ke gwa bana ba bagolwane. Ge bana ba šetše ba kgona go bala, ga o a swanelo go emiša go bala le bona! Kgetha dipuku tše di lego bothata le go raragana go e na le tše ba ka kgonago go ipalela tšona.

